

PAS ONTVANG —
WIT HEMDE MET TWEE
LOS BOORDJIES
21/6 elk.

Baie beperkte voorraad.

Die Eikestadwinkel
(Edms.) Bpk.
PRO ECCLESIA-GEBOU

Gedruk deur Pro Ecclesia-Drukkery
(Edms.) Bpk., en uitgegee deur
die A.N.S.-Tak, Stellenbosch.

STELLENBOSSE STUDENTEKOERANT. ORGAAN VAN A.N.S.-TAK.

DEEL V, No. 19.

VRYDAG, 7 SEPTEMBER 1945.

Prys 1d.

Juniordag 1945 'n Sukses? Ongetwyfeld!!

Val van Dagbreek se Derde Verdieping

Mnr. Deon Richter, inwoner van Dagbreek, het Dinsdag, Juniordag, vanuit die derde verdieping geval toe hy probeer het om langs die waterpyp af te seil en die pyp gebreek het. Mnr. Richter, wat lid van die Juniordag-Breëbestuur is, het betreklik lig daarvan afgekom as mens in 'n neem dat hy sowat 27 voet geval het. Hy het 'n arm gebreek en been-tjies beide in sy een voet en ander been. Tans is hy nog in die hospitaal en daar sy bene albei in gips geplaas is, sal hy geruime tyd in die bed moet deurbring.

Motor-Dief Ry Student Om

Verlede week is een van ons studente, mnr. Laubscher, deur 'n motor omgery. Die bestuurder, 'n kleurling, het die motor gesteel, eers mnr. Laubscher omgery en toe met 'n lamppaal gebots. Die dief is later deur ander studente gevang toe hy probeer ontsnap het.

Mnr. Laubscher is toegelaat om koshuis-toe te gaan nadat hy by die hospitaal aan was vir behandeling.

„Vredesjuniors” Hou Lentedag

Ten spyte van baie ongunstige weer het die Juniors van 1945 tog 'n baie indrukwekkende lentestemming geskep. Die groot skare van studente en publiek wat die optog en voorstellings toegejuig het, sal 1945 se Juniordag onthou as een van die gelukkige dae van fees en musiek wanneer almal vrolik hulde gebring het aan die ontwakende natuur.

OORSPRONKLIK.

Die jaar 1945 is 'n jaar van groot oorspronklikhede. Ons dink byv. aan die verwoestende atoombom. Hoogs oorspronklik is natuurlik ook die feit dat manne, wat hulle land se belange probeer bevorder het, wat in die hoogste sin van die woord as bodemvaste patriotte beskou moet word, as „oorlogsmisdadigers” bestempel word, en hulle verdediging moet rig teen 'n bevooroordeelde regbank. Die Geallieerdes besit egter nie die monopolie van oorspronklikheid nie, en dit is bewys deur die gebeurtenis wat op 4 September 1945 in Suid-Afrika, in Stellenbosch plaasgevind het, nl. die dag van dae, Juniordag!

SKITTERENDE SERENADE

Die serenadeprogram was met een woord, skitterend. Onder die bekwame leiding van Richard Behrens is besonder moeilike werke baie knap uitgevoer. Ook moet 'n spesiale

woord van gelukwensing gerig word aan die viole en die tjello, wat hulle, in die vertolking van hulle stuk, meesterlik van hulle taak gekwyd het.

OGGENDPROGRAM

Juniordag 1945 is ingelui! Vroeg het 'n perdekommando deur die dorp getrek om die lentedag aan te kondig. Gedurende die nag het die weer ons maats egter 'n streep getrek, en dit was bestem dat Juniordag onder betrokke lug moes plaasvind. Hulle taak was dus des te groter om die sonnige koms van die lente voor te stel. Hulle het geslaag.


Die kleurryke optog het met Coetzenburg as beginpunt, die dorp deurkruis. Die vlotte is besonder mooi versier, en 'n pragtige verskeidenheid van kleure het die oog gevang. Die orkes het ook van die staanspoor af 'n lewendige lentestemming geskep.

Die oggendverrigtinge het by Coetzenburg 'n aanvang geneem met 'n kort toespraak deur die burgemeester, mnr. W. A. Krige. Daarna het die Juniorkaptein sy rede gelewer.

Die program het 'n voorstelling gegee van Lente in verskillende lande t.w. Griekeland, Spanje, Holland, Rusland en Weenen. Die Griekse mite van Dis, die god van die onderwêreld, wat Persephone, die dogter van Demeter, vir ses maande van die jaar na sy onderaardse ryk neem, maar toelaat dat die dogter die ander ses maande by haar moeder bly, is besonder goed voorgestel. Die mite bevat natuurlik die idee van die ses droewige wintermaande van die jaar, asook die ses vrolike lente- en somermaande. Hier wil ons die juniors ook baie gelukwens met hulle keuse van 'n lentekoningin. Die Hollandse, Spaanse, Russiese en Weense tonele is uitgevoer d.m.v. tipiese volksdansies met begeleiding van die orkes. Tussen die tonele het die koor opgetree. Diegene van ons wat die serenade gehoor het was nogal in 'n

BESTE DIENS
vir
FIETSE, RADIO'S ENS.
is
nog verkrygbaar
by
H. VILJOEN
PLEINSTRAAT

HY WAS DIE KAPTEIN !!



OOSIE.

mate 'n bietjie teleurgesteld met die koor se uitvoering hier. Was die mansstemme nie miskien 'n bietjie te sterk nie? Die juniorlied is puik.

Die orkes het afgesluit met Schubert se Marche Militaire en daarna het die koorlede hulle plekke verlaat en die letters „Lente Vrede” voor die pawiljoen kom vorm. Die grand finale was baie indrukwekkend waar die Lentekoningin twee duiwe in die lug loslaat. Hiermee is die idee van die „Vredesjuniors” op die voorgrond gebring. Hierna is die Juniorkaptein en die Lentekoningin met 'n koets vort. Die oggendprogram was afgelopen.


Ook moet egter nog melding gemaak word van die skitterende hekversiering. Die kostuums verdien ook 'n besondere woord van gelukwensing. Baie geluk, Annette!

MIDDAGPROGRAM

Die middagprogram in die Stadsaal was baie verrassend. Die jonge dames uit die Kaap het groot applous met hulle vernuftige klop-, ballet- en akrobatese dansies van die stampvol gehoor uitgelok. Die koor het hier weer sy prestige herwin! Die uitvoering was pragtig. Die Juniors van 1945 het 'n verbasende

(Vervolg op bls. 4 kol. 4)

MOEILIK OM TE KIES!



Erina

Hulda

Phoebe

Besoek DIE UITSPAN

Waar die atmosfeer rustig is, die bediening beleefd en flink, die spyse — vanaf 'n koppie koffie tot 'n volledige maaltyd — smaakvol aantreklik en goedkoop

DIE UITSPAN is 'n besoek werd!

Oplossing No. 2

Oplossing no. 2 bied 'n verskeidenheid boeke aan wat oor kuns en kunswaardering handel. Ver-ryk u gees deur hierdie boeke te lees nadat u hulle van ons gekoop het.

1. **Maggie Laubser:**
Johannes Meintjies. Prys 28/-
2. **Child art:**
Wilhelm Viola. Prys 19/-
3. **Klassieke meesters van die Renaissance:**
F. E. J. Malherbe Prys 30/-
4. **Dismembered Masters:**
Thomas Bodkin. Prys 15/9
5. **Donatello:**
L. Goldscheider. Prys 25/6
6. **From the National Gallery Laboratory:**
W. H. Bragg. Prys 8/-
7. **A Book of Art:**
E. W. Walters. Prys 13/-
8. **Boukuns:**
Brand van Niekerk. Prys 6/3

Bestel van:

DIE C.S.V.- BOEKHANDEL

Pleinstraat, Stellenbosch

Die Plaza

Foon 0013

FOUR FEATHERS

John Clements
Ralph Richardson
VRYDAG en SATERDAG
7 en 8 Sept.
Matinee Saterdag

WEET U?

U weet seker hoe swaar dit soms is om geldjies te kry vir die ditjies en datjies?

Sorg dat u toekoms nie, ná 'n suksesvolle Universiteitsloopbaan, deur gebrek aan geldelike vermoë belemmer word nie. Jong professionele manne en vroue weet dat hulle sal miskien lank moet wag voordat hulle 'n winsgewende betrekking sal kan opbou. Dokters of prokureurs moet 'n praktyk of vennootskap koop. Die maklikste en beste manier om u planne te bewerkstellig is om nou te spaar en u besparings in UNIELENINGSERTIFIKATE te belê. Koop hulle deur middel van Negepennie Spaarsesels, of vir kontant, by enige Poskantoor.

DIE MATIE

Alle Korrespondensie aan:

DIE REDAKSIE,
„DIE MATIE,”

Posbus 197,

STELLENBOSCH.

MAITE, VRYDAG, 7 SEPT. 1945

GEREGVERDIGDE AANKLAGTES?

Die kenmerk van 'n student is o.a. sekerlik sy gesonde sin vir pret en praktiese grappe. Hoe moet 'n gemeenskap en veral 'n studentegemeenskap dan lyk waarin daar niks oorspronklik en prettig voor die dag kom nie? Gelukkig getuig fees-telike gebeurtenisse soos Juniordag en ander insidente van gesonde studente-jolyt, van oorspronklikheid, en dien dit as 'n voorbeeld van deeglike studente-organisasie; en daarom kan dié lede van die publiek wat altyd graag die vinger na studente wys en niks wat goed is van hulle wil glo nie, alleen na sulke gebeurtenisse verwys word.

Dit is egter jammer dat die water in die studentegemeenskap vertroebel moet word deur onverantwoordelike persone wie se dade dan toegeskryf word aan 'n groep wat in werklikheid onskuldig staan. Almal weet dat daar 'n aantal belhamels is wat in die afgelope paar weke nie werk vir hul hande gehad het nie, en gevolglik snags mede-studente (meestal eerstejaars) vanuit hul slaapkamers uitgelei en op onbetaamlike wyse molesteer het. Verskeie persone het hieroor gekla en, soos dit gewoonlik gaan, het daar ook etlike stories oor dié saak die ronde geding. Baie persone was te gretig om die Junior-organisasie daarvan te beskuldig. Afgesien daarvan dat dit onbillik is om op 'n onverantwoordelike wyse 'n organisasie of groep te blameer vir 'n saak waarmee hulle niks te doen het nie, getuig dit ook van onkunde aan die kant van sulke persone.

Daar is reeds geruime tyd 'n losbandige gees aan die broei op Stellenbosch. Daardie gees weier om gesag te erken en te respekteer. Dit is tewens ook 'n belangelose gees wat hom o.a. openbaar in 'n vol bioskoopsaal en kwynende verenigings op Stellenbosch. Van hierdie losbandigheid is die insidente wat hierbo genoem is, 'n uitvloeisel, en nie van die Junior-organisasie nie, soos kwaadwillig beweerd word nie.

Ongelukkig het 'n sekere aantal Juniors hulle ook skuldig gemaak aan hierdie optrede, en sodoende hul organisasie se naam onregverdig in die gedrang gebring.

'n Tyd gelede het 'n aantal studente geprotesteer teen 'n artikel: „Op Pad Kafferland-toe”, maar dit is hierdie onverantwoordelike belhamels wat snags die katekwad aanvang, wat die aanleiding gee tot die skryf van sulke artikels. Dit is niks minder as reg dat studente wat hulle aan genoemde wangedrag skuldig maak, en sodoende die studente of groepe studente se goeie naam in die modder sleep, deur die Universiteit gestraf word nie.

Teken In op
Wapenskou

DIE NUWE ATOOMBOM

„De Waereldgeschiedenis is 't
Waereldgericht,
Vergelding, de wet der Historie.”
— Ten Kate.

In ons laaste artikel het ons reeds melding gemaak van die finansiële atoombom wat die Amerikaanse bondgenoot op Brittanje gelos het toe hy die bruikleen-ooreenkoms sonder oorlegpleging met laasgenoemde beëindig het. Ons het ook verneem dat die Britse leiers hierdie Amerikaanse optrede „baie ernstig en onrusbarend” noem en dat die nuwe atoombom in Downingstraat die oorsaak van „much bewilderment” is.

Deur Prof. J. A. Wiid

DIE BOM EN DIE BRITSE FINANSIËLE POSISIE

Soos bekend het Amerika reeds £10,000 miljoen se ware volgens bruikleen gelewer en dit is begryplik dat hy nou oorslaan van die verniet-basis na 'n normale kredietbasis. Dit was trouens ook vanaf die begin in die bruikleen-wet bepaal dat hierdie bruikleen met die oorlog sal eindig.

Wat Brittanje betref het hy tot dusver meer as £7,000 miljoen se voorrade volgens bruikleen uit Amerika ontvang. Vandaag het hierdie sterk fontein skielik opgedroog en dit nogal op 'n tydstop wat vir die Britte buitendien baie kritiek is: nie alleen ly Brittanje nog aan etterende oorlogswonde nie, maar die moeilike oorskakeling van 'n oorlogshuishouding na 'n vredeshuishouding sal al die vernuf en vindingrykheid van sy leiers en die taaieste volharding van sy volk nodig hê.

Soos bekend beloop Brittanje se oorlogskuld vandag £22,400 miljoen en daarop is die rente alleen £400 miljoen per jaar. Dit is waar dat die grootste gedeelte van hierdie reusagtige oorlogskuld 'n binnelandse skuld is, wat die Britte maar onder mekaar sal moet vereffen. Dit is egter die oorlogskuld van £3,500 miljoen aan die vreemdeling, aan die buiteland, wat vir die Britte die meeste kommer baar. As Brittanje hierdie oorlogskuld van £3,500 miljoen wat nog tot £5,000 miljoen sal styg, soos verwag word, oor 'n periode van 30 jaar en teen die geringe rentekoers van slegs 2½ persent moet afbetaal, volgens Amerikaanse voorstelle, dan sal die Britte £250 miljoen per jaar moet vind. As in aanmerking geneem word dat Brittanje ná die vorige oorlog wanbetaler gebly het, ofskoon sy skuld toe maar sowat een-derde van die huidige beloop het, en dat die betalingsbalans van die verarmde naoorlogse Brittanje volgens Attlee nou 'n jaarlikse debet van £1,200 miljoen toon teenoor 'n debet van £55 miljoen in 1938 wat toe reeds groot besorgdheid gebaar het, dan behoort die kritieke finansiële posisie van die Britte aan elkeen duidelik te wees.

Waar gaan Brittanje die geld kry om hierdie reusagtige skulde, en rentelaste te betaal? Soos bekend het hy reeds £700 miljoen per jaar van sy buitelandse bates vir die oorlogvoering opgebruik, sowel as £530 miljoen per jaar van sy tuisbesittings gelikwieder. Hy het ook reeds sy produksie met 20 persent verhoog en sy verbruik met 18 persent verlaag. Ten spyte van dit alles het hierdie onbetaalbare skulde opgeloo. En nou het ook die Amerikaanse hulp weggeval!

DIE REDMIDDELS?

Die vraag is hoe gaan Brittanje uit land het? Sal daar ooit weer in die

toekoms soos in die negentiende eeu van 'n ryk en welvarende Brittanje sprake kan wees? Op die oomblik lyk dit of daar van Britse finansiële rehabilitasie in die besonder sowel as dié van die wêreld in die algemeen geen sprake kan wees sonder groot-skaalse Amerikaanse hulpverlening nie, in watter vorm dit ook al mag die finansiële moeras kom waarin die Tweede Wêreldoorlog hom laat besgied. Die werk van die Ameri-

kanse professor A. H. Hansen: *America's Role in the World Economy* wat so pas verskyn het, is in hierdie opsig baie insiggewend. Alleen met Amerika en nie sonder Amerika nie is Britse en wêreldrekonstruksie moontlik. Die Amerikaners kan vandag die liedjie sing wat die Britte in die 19de eeu gesing het: „We have got the ships, we have got the money and we have got the men”.

Daar sal Britte wees wat hulle teen hierdie Amerikaanse hoofrol in die toekomstige wêreldbedeling gaan verset. Deur middel van devaluasie van die pond sterling, 'n strenge beheer oor die pryse van eie fabrikate en die gevolglike manipulasie van die markte van Sterlinglande, gaan die Britte waarskynlik probeer om Amerikaanse toegeeflikhede af te dwing. Al hierdie middels gaan egter gevaarlik wees ook vir Brittanje self en vir daardie Sterlinglande wat dit gaan waag om die ongelike stryd teen die Amerikaanse Kolos aan te bind. Die leier van die opposisie in die Nu-Seelandse parlement het 'n paar dae gelede gesê dat „die ou moederland 'n krisis in die gesig staar. Hy is deur die oorlog uitgeput, en die dominiums, met inbegrip van Nu-Seeland, moet die posisie in oënskou neem. As Brittanje ondergaan, dan gaan ons onder. Waar Brittanje gaan, gaan ons, oorlog of vrede”.

Gaan ook Suid-Afrika die sentimentele liedjie en die kunsmatige geneesmiddels van hierdie Nu-Seelander gebruik of gaan Suid-Afrika eerste tog eindelik seëvier? Daar is hoop, want die Durbaniete hou van Amerikaanse motorkarre!

PROF. C. EDGAR†

Verlede week is Prof. C. S. Edgar alhier oorlede. Prof. Edgar was 'n Skot van geboorte en het in 1901 na Suid-Afrika gekom. In 1903 is hy aangestel as Professor in Grieks. Oorledene het hom baie goed aangepas onder die studente en was ook baie gewild. Die begrafnis het onder blyke van groot belangstelling plaasgevind.

PREEKBEURTE

MOEDERKERK

10.30 v.m. — Ds. A. F. Louw.
7 n.m. — Dr. B. B. Keet.

NUWEKERK

10.30 v.m. — Prop. C. S. Möller.
7 n.m. — Dr. D. R. Snyman.

Rook Springbok-Sigarette

'n Buitestander se Dit Was Mooi!

Die opsteller van die *Matie*-verslag verlede jaar het my „vriendelik dog dringend” daarvan in kennis gestel dat hy verlede jaar s6 byna-byna gestenig is deur ontevredenes. Daarom het die redakteur beloof om nie vanjaar te s6 wie ek is nie. Nou nie juis dat ek bang is vir sodanige behandeling vanjaar nie, maar mens weet nooit wie nou weer mag opduik as ontevredenes nie.

Ons soek nie almal dieselfde in Juniordag nie. Sommige stel die aanwesigheid van 'n lentestemming en lentestrekking as noodsaaklike vereiste op 'n viering, onder leiding van die Juniors, van die koms van die lente; andere soek slegs Junior-oorspronklikheid en 'n aangename, onderhoudende program op Juniordag. Ek moet eerlikheids- en regverdigheidshalwe eers s6 dat ek aan di6 groep behoort wat Lente daar soek — dis genoeg, ek motiveer nie nou nie.

Juniordag 1945 was myns insiens 'n groot sukses! Die program was oorspronklik, mooi en kleurrik, fris en verfrissend, genoegsaam afwisselend, net lank genoeg en het net genoeg Lente bevat sonder om stroperig lenterig te wees. Die geheel het opgevoer na 'n baie mooi en effektiewe eindtoneel, 'n pragtige hoogtepunt, die samevatting van die hele gedagte: Lente-Vrede (wat tegelyk die geleentheid gebied het aan die hele Juniorgemeenskap om saam op die veld die program af te sluit).

Dit is net baie jammer dat veel van die effek van die koorsang en orkes verlore gegaan het deur nalatige hantering van die mikrofone. Dit was beslis baie hinderlik, en is definitief iets waaraan veel meer aandag geskenk moet word. Dit is so'n kleinigheidjie, en tog iets wat soveel afbreuk kan doen aan 'n program, veral waar musiek en sang 'n belangrike rol speel.

(Terloops kan ek hier net ook onervol vermeld die skynbaar noodsaaklike euwel van 'n hele skaar van fotograwe wat op elke tydige en ontydige moment moet afstorm op 'n mooi toneel — maar dis glo een van die noodsaaklikhede; ek wens egter dit was minder noodsaaklik.)

DIE MIDDAGPROGRAM


Met die instelling van die stad-saal-middagprogram het die 1944-Juniors definitief 'n baie groot diens aan Juniordag bewys. Ek is bly dat di6 goeie voorbeeld baie suksesvol nagevolg is deur die 1945-Juniors in 'n mooi middagprogram, oorspronklik in samestelling en puik in voordrag. Hier verdien die strykkorke spesiale vermelding — voorwaar 'n groot onderneming met skitterende resultaat. Die koor het ook mooi gesing — maar dis darem bietjie te (Vervolg op bls. 4 kol. 4)

DIE KOORDIRIGENT



Richard Behrens

DIE SEKRETARIS



Pottie

DIT WAS HAAR OGGEND-PROGRAM



Yvonne de Villiers

Die Pierewieters in die C.S.V.-Saal

Vanaand en môreand om agtuur tree die Jan Pierewiet-Geselskap op in die plaaslike C.S.V.-saal.

Hulle program bied 'n verskeidenheid aan wat selfs die kieskeurigste konsertganger tevrede sal stel: As glanspunte kan hier genoem word die Menuet van Beethoven wat eers deur die koor in Afrikaans gesing word, en daarna die dans wat in tipiese 19de-eeuse kostuums uitgevoer word.

Erica Paulsen en Koekjan de Villiers tree op in 'n tweesang, 'n werkie wat deur prof. dr. Con de Villiers in Afrikaans verwerk is, soos ook baie ander liedere wat deur die geselskap gesing word. Mej. Paulsen lewer ook nog 'n paar solonommers, en elkeen wat haar al op 'n kuns-wedstryd gehoor sing het, weet wat om te verwag.

Dan kom ons by die kostelike voorstelling van „die Afrikaanse Pop”: Wie dink u stel die Franse nooi, die „Fraulein”, die Skotse „lassie”, die „Miss” uit Engeland, of die Afrikaanse Pop voor? Kom oortuig uself of u reg geraai het!

Die mondigwordings- en huweliksfees bied 'n luimige verskeidenheid waarin o.a. getoon word hoe die polka, padika, setees, vastrap ens. in die goeie ou dae gedans is.

Maar dan natuurlik is daar nog die eenbedryfklug: En as Con Hofmeyr eers die snuf in die neus kry dat hy vermoor gaan word, verrék hy elkeen se lagspiere in 'n ommesientjie, hoewel hy self 'n desperate poging aanwend om met behulp van 'n rewolwer sy lewe te red!

Maar dis genoeg. Kom geniet 'n aand van blywende genot en dra by tot 'n klubsaal vir ons studente op Stellenbosch, die Langenhoven-gedenksaal.

Onder Onsies

Mej. Mara Victor van Concordia het, onder invloed van die akkerboom voor die koshuis wat vanjaar besonder vroeg gebot het, haar onlangs verloof aan Ds. J. Prinsloo van Goodwood.

Ds. Fourie du Toit en Mej. Jacomi Malan, albei oud-Maties, is op die 1ste September op Wellington in die huwelik bevestig. Mej. Dolie du Toit van Harmonie, suster van die bruidegom, het as strooimeisie opgetree en Mnr. Fanie Meyer van die Kweekskool, as strooijonker. Heelwat Maties het die verrigtinge bygewoon, o.a. Mej. Martina Roos wat 'n sangsolo in die kerk gelewer het, en Mnr. Charl Colyn wat die heildronk op die strooimeisie en strooijonker ingestel het.

„Die *Matie*” wens hiermee om die Juniors van 1945 van harte geluk te wens met hulle puik-dag!

MATIES!

Netheid Tel Baie!
Ons Tik- en Afrolwerk sal u help.
VERTAALBURO, Stellenbosch
Dorpstraat, Posbus 180.
(Foon 486)

HALDENWANG

HEERLIKE GEBAK—NET
WAT U HART BEGEER

Kom besoek ons winkel in
PLEINSTRAT
en probeer ons Koek, Tert,
Vleispasteitjies en alles wat
lekker is.

(Foon 135)

PELICAN-UITGAWE van

MANAGERIAL REVOLUTION

deur J. Burnham

1/2

Nou Verkrygbaar

PRO ECCLESIA-BOEKHANDEL

PLEINSTRAT — STELLENBOSCH

Suikerbossie

Melksalon

Se Bedjening is Uitstekend,
Ontmoet Jul Vriende Hier
Om 'n Lekker Koppie Koffie.
Ons pas geopende
BILJARTKAMER
(5 tafels) is die mooiste en
netjiese in die W.P.

Foon 94

Santy se Bottelstoor

En probeer ons

groot
verskeidenheid
Soetwyne
en keurige
Aptyt-drankies.

PROBEER

ons
VERKOE-
EN INFLUENSA-
GENEESMIDDEL

2/6 per Bottel

JOERNING en SEUN
(EIEND.) BPK.

Foon 24

GESTIG 1850

Rook Springbok-Sigarette